

miða landgrunnins, til þess að öðlast þegar gildi og birtist til eftirbreytni þeim sem hlut eiga að máli.

Sjávarútvegsráðuneytið, 29. nóvember 1977.

Matthías Bjarnason.

Jón B. Jónasson.

REGLUGERÐ

um greiðslu og skil gjalda til Stofnfjár sjóðs fiskiskipa.

I. KAFLI

Gjald af afla, sem landað er hérlendis.

1. gr.

Þegar fiskiskip selur afla í innlendri höfn eða afhendir afla sinn til vinnslu hérlendis, án þess að sala fari fram, skal fiskkaupandi eða fiskmóttakandi greiða gjald til Stofnfjár sjóðs fiskiskipa við Fiskveiðasjóð Íslands, er nemi 10% fiskverðs eins og það er ákveðið af Verðlagsráði sjávarútvegsins hverju sinni.

Ákvæði 1. málsgreinar eiga einnig við, þegar fiskiskip selur eða afhendir afla sinn öðru skipi til löndunar í innlendri höfn.

2. gr.

Stofnfjár sjóðsgjald skv. 1. gr. skal greiða af öllum afla, sem landað er hérlendis, frá og með 16. febrúar 1976.

3. gr.

Stofnfjár sjóðsgjald af afla lönduðum hérlendis, skal greiðast af fyrsta andvirði hlutaðeigandi afurðalána í viðskiptabanka fiskkaupanda eða fiskmóttakanda. Skal viðskiptabankinn annast innheimtu gjaldsins og taka það af andvirði afurðalánsins og ráðstafa því strax við lántöku til Stofnfjár sjóðsins á grundvelli skýrslna lántaka um magn og verðmæti landaðs afla hjá honum.

4. gr.

Sé ekki tekið lán í banka út á afurðir unnar úr afla skips, sem fellur undir 3. gr. hér að framan, ber fiskkaupanda eða fiskmóttakanda að greiða stofnfjár sjóðsgjaldið innan 10 daga frá því að afla er landað. Gjaldið greiðist þá beint til Stofnfjár sjóðsins.

II. KAFLI

Gjald af afla, sem landað er erlendis.

5. gr.

Þegar fiskiskip selur afla í erlendri höfn, skal það greiða gjald, er nemur 16% af heildarsöluverðmæti (brúttósöluverðmæti) aflans til Stofnfjár sjóðs fiskiskipa. Hið sama gildir, þegar fiskiskip selur afla sinn öðru skipi til sölu í erlendri höfn. Þessi greiðsla kemur til frádráttar frá heildarsöluverðmæti (brúttósöluverðmæti) ásamt frádráttartölu kjarasamninga við ákvörðun aflaverðlauna, aukaafleverðlauna og hluts samkvæmt kjarasamningum.

6. gr.

Gjald skv. 5. gr. gildir um afla seldan erlendis, frá og með 16. febrúar 1976.

Skal gjaldið greitt af fyrsta andvirði gjaldeyris skila aflans í hérlendum banka. Um leið og gjaldeyriseftirlitið fær tilkynningu frá Fiskifélaginu um einstakar aflasölur erlendis, þá reiknar það út gjaldið og sendir síðan tilkynningu um það til þess viðskiptabanka eða útibús hans, sem fær gjaldeyrisandvirði aflans, og felur honum að halda gjaldinu eftir, þegar andvirðið er afreiknað, og ráðstafa því jafnóðum til Stofnfjár sjóðs.

Ber útgerðaraðila, þ. m. t. skipstjóra að viðlagðri ábyrgð, að sjá um, að allt andvirði selds afla utanlands, að frádregnum eðlilegum tilkostnaði, berist án óeðlilegs dráttar í hérlendan gjaldeyrisbanka.

7. gr.

Nú ber svo við, að þrátt fyrir ákvæði 3. málsg. 6. gr. fara gjaldeyris skil selds afla ekki um hérlendan banka, þá er stofnfjár sjóðsgjald skv. 5. gr. gjaldfallið þegar 10 dagar eru liðnir frá löndun úr skipi.

III. KAFLI

Almenn ákvæði.

8. gr.

Fiskifélag Íslands lætur í té skýrslur, svo sem gert er ráð fyrir í reglugerð þessari. Auk þess sendir það Fiskveiðasjóði hálfárslega skýrslu um afla og aflaverðmæti allra fiskiskipa, hvort sem afla þeirra er landað hérlendis eða í erlendri höfn. Stjórn Fiskveiðasjóðs setur nánari reglur um þessa skýrslugerð í samræði við Fiskifélagið.

Þegar Fiskveiðasjóði hafa borist skýrslur þær, er um ræðir í 1. málsgrein, skal hann láta endurskoða greiðslur stofnfjár sjóðsgjalda á reikninga fiskiskipa og sannreyna, að þær greiðslur séu í samræmi við aflaverðmæti skipanna og þau stofnfjár sjóðsgjöld, sem af þeim ber að greiða, og ganga eftir réttum skilum þeirra.

Fiskkaupendur, fiskmóttakendur, útgerðaraðilar og skipstjórar eru skyldir að gefa þeim aðilum, sem sjá um framkvæmd reglugerðar þessarar, þær skýrslur um afla og afurðir, sem þeir eru krafðir um. Sömu aðilar bera óskipta ábyrgð á, að stofnfjár sjóðsgjöld séu greidd á réttum tíma.

Gjaldeyriseftirlitið og viðskiptabankarnir skulu fylgjast með því, hver á sínu sviði, að gerð séu rétt og tímanleg skil á stofnfjár sjóðsgjöldum, skv. reglugerð þessari, að því leyti, sem það er í þeirra valdi.

9. gr.

Reglugerð þessi er sett samkvæmt lögum nr. 4 frá 13. febrúar 1976 um Stofnfjár sjóð fiskiskipa, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð um greiðslu og skil gjalda til Stofnfjár sjóðs fiskiskipa nr. 24 7. febrúar 1969.

Sjávarútvegsráðuneytið, 30. nóvember 1977.

Matthías Bjarnason.

Steinunn M. Lárusdóttir.